



SALA STAMPA DELLA SANTA SEDE **BOLLETTINO**

HOLY SEE PRESS OFFICE BUREAU DE PRESSE DU SAINT-SIÈGE PRESSEAMT DES HEILIGEN STUHL
OFICINA DE PRENSA DE LA SANTA SEDE SALA DE IMPRENSA DA SANTA SÉ
BIURO PRASOWE STOLICY APOSTOLSKIEJ دار الصحافة التابعة للكرسي الرسولي

N. 0256

Sabato 27.04.2013

Sommario:

◆ **LETTERA DEL SANTO PADRE ALL'INVIATO SPECIALE ALLA CELEBRAZIONE DEL VI CENTENARIO DELLA CATTEDRALE DI KAUNAS (LITUANIA) (5 MAGGIO 2013)**

◆ **LETTERA DEL SANTO PADRE ALL'INVIATO SPECIALE ALLA CELEBRAZIONE DEL VI CENTENARIO DELLA CATTEDRALE DI KAUNAS (LITUANIA) (5 MAGGIO 2013)**

LETTERA DEL SANTO PADRE ALL'INVIATO SPECIALE ALLA CELEBRAZIONE DEL VI CENTENARIO DELLA CATTEDRALE DI KAUNAS (LITUANIA) (5 MAGGIO 2013)

In data 27 febbraio 2013, il Santo Padre Benedetto XVI aveva nominato l'Em.mo Card. Stanisław Dziwisz, Arcivescovo di Cracovia, Inviato Speciale alla celebrazione del VI centenario della Cattedrale di Kaunas (Lituania), in programma il 5 maggio 2013.

L'Em.mo Card. Stanisław Dziwisz sarà accompagnato da una missione composta dai seguenti ecclesiastici:

- Rev.do Mons. Vytautas Vaičiūnas, Vice-Decano della Facoltà di Teologia a Kaunas;
- Rev.do Mons. Arturas Jagelavičius, Docente presso la medesima Facoltà e Pro-Vicario giudiziale dell'Arcidiocesi di Kaunas.

Pubblichiamo di seguito la Lettera del Santo Padre Francesco all'Inviato Speciale:

• **LETTERA DEL SANTO PADRE FRANCESCO**

Venerabili Fratri Nostro

STANISLAO S.R.E. Cardinali DZIWISZ

Archiepiscopo Metropolitae Cracoviensi

Kaunensis ecclesialis communitas grato animo sollemnique modo sextam celebrat centenariam memoriam erectionis aedis cathedralis quae, anno MCDXIII exstructa, inter prima Lituaniae christiana templa annumeratur. Architecturae pulchritudine eminet et, potissimum, testimonio multorum fidelium qui, saeculorum decursu, divina hoc in aedificio efflagitabant sibi suisque dona nec non omnibus Lituaniae incolis, sanctis apostolis Petro et Paulo intercedentibus. Sacra eadem aedes ecclesia deinde facta est cathedralis atque titulum accepit Basilicae minoris. Quandoquidem, anno MCMXXVI, Provincia Metropolitana Kaunensis est constituta, eadem aedes dignitatem cathedralis templi Archiepiscopi Metropolitae accepit. Angustiarum temporibus, praesertim sub regimine religioni infenso, omnibus fidelibus Lituaniae signum fuit clarissimum servandae religionis christianae atque fidelitatis erga Apostolicam Sedem.

Dilecti Kaunensis gregis fideles, diligenti sane Pastore et sacerdotibus moderantibus, originem et historiam ecclesiae cathedralis recolentes, in spiritali itinere diligenter progredi conantur. Ipse Archiepiscopus Metropolita Kaunensis, Venerabilis Frater Sigitas Tamkevičius, S.I., fideles sibi creditos est adhortatus ut in diuturna huius catholicae communitatis historia Domini largitatem clare mirari possent atque incitamentum experiri ad renovatam vitam sub Christi lumine assidue sequendam.

Hanc ob rem memoratus sacer Praesul humanissime dilectum Nostrum Praedecessorem Benedictum XVI rogavit ut aliquem eminentem virum mitteret, qui Kaunensi in urbe Romani Pontificis vices gereret atque eius erga istum gregem dilectionem manifestaret. Mentem Nostri Decessoris sequentes, ad Te quidem, Venerabilis Frater Noster, qui pergrave munus exerces Archiepiscopi Metropolitae Cracoviensis, mentem Nostram vertimus Teque hisce Litteris MISSUM EXTRAORDINARIUM NOSTRUM nominamus ad memoratam celebrationem sextae centenariae memoriae exstructionis basilicae cathedralis Kaunensis, quae illa in urbe die V proximi mensis Maii agetur.

Sollemni ergo praesidebis Eucharistiae atque iam dictum Archiepiscopum aliosque sacros Praesules, sacerdotes, religiosos viros mulieresque, publicas auctoritates atque universos christifideles. Nostro salutabis nomine. Optamus insuper ut cuncti illustrem historiam Ecclesiae in Lituania recolentes, novis viribus novoque studio peculiarem dilectionem erga Christi Ecclesiam et Evangelium demonstrent atque fidei alacritate in cotidiana vita emineant.

Nos autem Te, Venerabilis Frater Noster, qui peculiari affectu Ecclesiam Metropolitanam Kaunensem sequeris cuique reliquias beati Ioannis Pauli II dono tradidisti, in tua missione implenda precibus comitabimur. Denique Benedictionem Nostram Apostolicam libentes Tibi impertimur, signum Nostrae erga Te benevolentiae et caelestium donorum pignus, quam omnibus celebrationis participibus rite transmittes.

Ex Aedibus Vaticanis, die V mensis Aprilis, anno MMXIII, Ponticato Nostri primo.

FRANCISCUS

[00580-07.01] [Testo originale: Latino]

[B0256-XX.01]
